

GOBIERNO DE NAVARRA

ECONOMÍA, HACIENDA, INDUSTRIA Y EMPLEO

CULTURA, TURISMO Y RELACIONES INSTITUCIONALES

PRESIDENCIA, JUSTICIA E INTERIOR

EDUCACION

DESARROLLO RURAL, MEDIO AMBIENTE, Y ADMINISTRACIÓN LOCAL

SALUD

POLÍTICAS SOCIALES

FOMENTO

SEGURIDAD Y EMERGENCIAS

Nasuvinsak eta Sakanako Mankomunitateak industria-jardueraren datuak bildu eta erabiltzeko programa pilotu bat sustatu dute

Informazioak inguru hori garatzeko estrategia ezartzea erraztuko du

Martes, 16 de junio de 2015

Nasuvinsa enpresa publikoak eta Sakanako Mankomunitateak lankidetzahitzarmen bat sinatu dute Sakanako korridoreko industriako lurzoru, azpiegitura eta jardueren datuak partekatzeko. Urteko bigarren seihilekoan egingo den esperientzia pilotua izango da, eta aurrerago Nafarroako beste eskualde batzuetara zabaltzeko. Ekimen hori Sakanako Plan Estrategikoan lehentasunezko zat jotako jardueretako bat da.



Nasuvinsa eta Sakanako Mankomunitateko ordezkariak.

Proiektua egingo da Nasuvinsako informazio geografikoko sisteman dauden industria-lurzoru eta -poligonoen gaineko materialetik abiatuta. Bestalde, Sakanako Mankomunitatearen mende dauden garapenerako eragileek lekuan bertan jasoko dute informazioa eta, hari esker, jadanik badiren industria-jarduerak identifikatu eta bereizaraziko dira. Honako datu hauek sartzen dira bertan: establezimenduak ezartzea; jadanik badiren poligonoak mugatzea edo dagoeneko onartuta dituzten plangintzarekin; ekonomia-jarduera sailkatzea, prezioak, nabeetako azpiegiturak, edo elektrifikazio eta banda zabalaren, ur eta hondakinen zerbitzuen karakterizazioa.

Gainera, enpresa berriak ezartzeko industrialde egokietan hutsik dauden partzelak hauteman ahalko dira (salmentan edo alokairuan). Horrek Sakanako Garapen Estrategia abian jartzea erraztuko du, eta Garapen Agentziaren arloan enplegua sortzea.

Izenpetutako hitzarmenaren arabera, Mankomunitatea web-aplikazio baten bidez sartuko da Nasuvinsako industria-lurzorua eta -jarduera kudeatzeko sisteman. Sarbide hori Sakanako Mankomunitateko eskumenekoak diren udalerrietako datuetara mugatuko da: Ziordia, Olazti, Altsasu, Urdiain, Iturmendi, Bakaiku, Etxarri-Aranatz, Arbizu, Lakuntza, Ergoiena, Arruazu, Uharte Arakil, Irañeta, Arakil eta Irurtzun.

Sakanako eskualdeak 305,5 kilometro koadro ditu, eta 20.000

pertsonatik gora bizi da bertan.